




高孫之二集序



盧陞集一郎潛集一余友  
高君孫之作也君著述甚  
夥頃觀察吳中汰其冗長  
僅二勒為此編屬余序之

夫詩之為道與時高下豈  
不位哉然必有魁然之才  
為之幹旋之乃以不壞  
國初高楊張徐為時冠冕  
而元調未刊李賓之以聲

詩主譽區宇亦未盡後古  
迨李何導其源王康輔之  
楊徐揚其波顧薛振之當  
是時非漢魏初盛唐不譚  
可謂盛矣敝且學步幼顰

而神理不屬識者病之唐  
應德陳約之高矧嗣繼起  
古學復興黷君迹而日且  
第廢一二妄庸子剽略糠  
粃不探庖裏輒僭自標異

而假托者因蠅附之且嚴  
其區域非六七人者不得  
與焉又有猷薄之者乘其  
隙倡為晚唐之調蚬竅蛙  
聲趨愈下矣搃之無學術



序三  
故根氏不深無力量故發  
抒不暢此不足成一家之  
而又何以語於世道升降  
之際孫之所謂才之魁然  
者也自弱冠登上第出宰

盧氏綜理文翰始著盧隱  
集因故為新去俗起雅業  
已臻魏晉之潤與涉隋唐  
之波流南來為計部益精  
靡諂乃有郎潛集出焉佳

往氣骨高舉音詞警道辟  
之朗玉孤相自中天律足  
以摧冶豔之墜壁杜雕巧  
之邪竇所稱振溺起衰者  
唯君有之彼宗師鄭谷刻

畫賈島稱晚唐音者直禪  
中亂耳何足道哉夫君子  
一髮言舉趾必有所濟矧  
極思撝詞不動關世教水  
夫也余深契於君每一晤

語曰入忘歸如此者三載  
有奇玄而為吳中又復一  
載以二集寄余慮來者未  
知斯旨輒題其簡端如此  
且以寓余之感焉

萬曆歲次丁巳夏日瑯琊

焦竑書





盧隱集目錄

一卷

正月三日過北山菴留別

六月就道北上途次漫作凡廿六首

發東鄉

人日

平度道中三首

濰河

淄川二首



過顏神城觀顏文姜靈應泉

詠靈應泉廟

萊蕪道中

上元

雨中望岱

雪中登岱二首

泰安道中

喜達東昌謁韓方伯尊師里中

方生幼美會予東昌復送之博平爲別

德州道中二首

獻縣道中三首

雄縣道中

涿州道中作

初到善果寺作

入都寓寺中述懷二十韻

寄題張廣文北逢里居八韻

遣悶奉簡允修吏部

所見

紫微

野寺

春日步觀天壇

送馮先輩濟子下第還弋陽時予新除盧氏澥

返爲別

醉時歌贈岳民部一愚

寄贈錢汝晦曹子昇兩明府時俱以艱居里

方幼美武舉之京過存聊用感贈

除書

鷲燕

清明三首

允修山陵還作此奉問二首

善果寺逢周孟泰比寓浹月作此贈別

善果寺春夜二首

將之官呈李考功若蒙

允修挈酒同看方丈牡丹

灑亭詩四首

游西山功德廢寺

望湖亭

華嚴寺

卧佛寺

碧雲寺

香山寺

來青軒

弘光寺

山行往還各一首

歸途

過中山戲作二絕句

之官南行途次觸目兼懷古跡漫題七言長律

一百六十句

雨中崔稽勳明府招飲盧江鎮國園二首

求寧道中呈楊明府

又作

酬劉生敬仲感遇詩四首

渡洛

苦熱念妻女在途却甚不勝煩替有作



二卷

短句詠物三篇

北邙

洛中五日旅病作

龍門

汝州絕糧

盧氏行示吏民

一縣竹行爲未寧揚明府作兼懷米仲詔

喜雨篇

聞家人將到志喜口號三首

病鸚鵡行

漫興二首

愍幽賦

夏日盧氏署中撥悶

五噫歌

定情詩

盧城雜詩十首

詣府阻雨韓城



還縣阻雨三鄉

雨中聞笛

官署雨坐示阿光

立秋閏六月十五夜二首

秋夜聽雨

十七夜月下作

投贈曹姚二廣文

不寐

雨

暝

秋齋卽事

別意

早起

秋熱

秋夜

秋雨退衙遣興五首

遲家書不到

雨霽

行藥小齋

去秋行

歸來引

今夕

秋雨嘆

喜錄時事

擬古三十首

古別離

李都尉陵從軍

班婕妤詠扇

魏文帝丕游宴

陳思王植贈友

劉文學楨感遇

王侍中粲懷德

嵇中散康言志

阮步兵籍詠懷

張司空華離情

潘黃門岳述哀

陸平原機羈宦

左記室思詠史

張黃門協苦雨

劉太尉琨傷亂

盧郎中諶感交

郭弘農璞游僊

孫廷尉綽雜述

許徵君詢自序

殷仲文興矚

謝僕射混游覽

陶徵君潛田居

謝臨川靈運游山

顏特進延之侍宴

謝法曹惠連贈別

王徵君微養疾

袁太尉淑從駕

謝光祿莊郊游

鮑叅軍昭戎行



休上人怨別

代蘇屬國婦

三卷

述征詩四言五首

效四愁詩

輕薄篇

行路難十五首

大淙詞

右迎神

右降神

右送神

詠史詩十四首

秋雨詣府道艱晚抵故縣作

次夕渡洛止村邸作

楊明府招飲留贈

阻洛候渡

龍頭山

雨渡洛漲



喜晴應禱

秋深

重苦雨

留侯祠墓二首

洛中感秋二首

八月十五夜邀同僚佐飲王鴻臚園

九日

落葉

書事二首

冬日雜詩八首

冬夕對月

過永寧感楊明府去思有作

游靈山寺作四首

望錦屏山

雪

冬日漫興三首

答寄董長孺社長二首

歲晏行

苦寒行二首

四卷

悶坐

後雪

和陳沔池少壘憇龍門觀作

迎春東郊十韻

盧氏官署守歲

人日未寧道上

旅夕春月有懷

春日寄懷友人四章

寄李若蒙二首

宦情

數雪

後雨雪

遣興二首

小寒食

戊申歲余年三十摘髮見一莖白者感賦

春日九首

初夏過龍巖寺

後喜雨篇

夏日宦情六首

贈傅元鼎明府二首

游少林寺

初祖菴

嵩陽宮歌

同傅元鼎游中嶽

同元鼎游盧巖寺

箕山

朱僊鎮

朱僊鎮題壁二絕句

汴京懷古四首

十絕句

飲張萼

隱詩三首

江南吟

哀時物



遣興三首

輓韋孝廉八韻

寄題仇惟尚明志樓

睡心菴

致爽臺

感懷二首

秋雨

題畫六絕句

官署秋感廿韻

禹廟

秋霽朝望

復陰

甚苦雨嘆

秋雨引

五卷

九日夕靳孝廉杜太學同諸文學招飲野墅二

首

荆孝廉伯鶚過訪有贈



飲荆伯鶚斬以信分韻得開字

野憤

秋杪招荆伯鶚斬以信及三廣文飲統臺  
伏承方侍御遣使相問志感二首

初冬野望

觀南橋成同僚佐

遣憂

王郡丞母松萱殊節卷歌兼以寄壽

觀山圖歌壽劉封公

冬夜

思古四言六章

冬日漫題

雪

復大雪

雪後同寮佐統臺隱眺

鷄鳴篇

雪陰雜興二首

雪霽行香寺飲集

至日

積雪行

冬深六首

讀王新建遺事感述

雪後山行

和傅元鼎嵩陽十八詠

崑嶺

盧巖

少室

嵩月

箕山

潁水

中嶽

少林寺

石淙

玉溪

雲洞

星臺

秦槐

漢栢

鶴觀

熊山

九潭

五渡

官署同姪若駢守歲

元日立春

人日雪

上元客夜是日自洛西馳二百里中宵抵長水

鎮作

早春四首

奉寄李峒嶠中丞遼陽二首

二月復雪

春雨末寧道上

古憤二首贈傅元鼎

後游靈山偕列縣尹

龍蟠寺



金牙山瀑布

同元鼎步宜陽西郊

偕元鼎露輿行嵩洛道上

後游少林寺呈無言道公

觀星臺

石淙同元鼎修禊事

張魯山解邾縣招同諸寮友飲望嵩樓

小寒食發汝州

初夏省農示父老

水峪

乾澗

抱犢山

雨中招飲韓郭兩生

苦雨阻樂川三日望景山不得至

樂川久雨向夕微霽望景山奇幻如畫作示諸

子

六卷

登景室山賦

景室山三十韻

景室山晚宿郭生延祚韓生上侍聯句

長春觀

山行往復記述所見得二十韻

擊鹿行

聞閃允修被口作此寄問

聞允修在告出都念當道路洛便會面有期聊作

志快卽圖迎寄二首

五月省野三首

五日觀大淙飛瀑

五日龍喜寺諸生侍酌

雜謠三首

送別王靈寶之安慶郡丞

夏日謾興

夏夜吟

七夕立秋二首

雲漢詩

哭趙五孝廉汝晦二首

瘞二鳥行

秋日

遣遇

秋日檢理歸篋戲作誹句三首

九月招靳李二孝廉飲王氏園

九月望夕靳李二孝廉招飲橫波寺遂乘月泝

舟洛水至中夜旣愜神曠爰及賦詠

奉賈王給諫尋山至盧氏相遲不至宿行香寺

二首

陝州道中有懷澠令陳少巖

積雨雪

猗蘭堂歌爲李孝廉作

閑題雜畫十二首

謁取清惠文恪世德祠

將上計北首別盧氏吏民作轍東行

聞量移南戶曹志感

宿白沙鎮

風穴寺



三過二室留別

又作示傅元鼎

別傅元鼎三首

密縣天僊宮白松傳黃帝葬三僊女其下二首

蓬水泉在白松南十餘武

汴上喜逢鄭用章使君却贈

同鄭用章使君莫相逢行

閃允修在告還滇至新鄭擬命駕過訪余於盧

氏不果貽詩五章詞旨悽愴極傷離之致聊

如數約畧奉答却不能寄以須他日五首

發盧氏留別士民二首

盧隱集目錄終

盧隱集卷一

正月三日過北山菴留別

爾意不肯別風鳴哀葉聞故人將遠道春色好平分  
 異日憐高樹他鄉望片雲栖栖寧自惜更有愧移文  
 六月就道北上途次漫作凡廿六首

發東鄉

春色吾廬外紅顏遠道中新年復見月百里不同風  
 祖席雲輕覆村橋水暗通翻憐題柱者詞賦若為雄



出  
 孩  
 之  
 著



人日

江山看自遠車馬亦悠哉識面漸稀少新正多往來  
偶沽人日酒休識歲星才春色長安倍黃金萬古臺  
平度道中

浮雲陰自北纖月吐從西旅鴈三更發寒雞半夜啼  
長途百里畫野館四方題岐路聞加食叮嚀憶拙妻

二

明時堪薄宦未敢厭風塵四海漸多故一年空復新  
柳條頻送客絲勝自迎春却憶兒童事生憐竹馬人

三

沽酒家家薄朝正在在喧潮吞滄海淺霧斂大河昏  
疲馬秣霜夜饑鳥啼雪村行看芳草綠春色怨王孫  
濰河

敝裘霜雪重夜渡白狼河燈火人家遠星辰水上多  
主賢羈旅幸客醉險途過一片浮雲微微閃月波

淄川

期程嘗自左行路古來難資斧貧寧儉春壺醉易乾  
魚龍潛壑動烏鵲一枝安彈劔星辰落清霜鬢髮寒



二

雲烟終日有樹木與時春  
髀怯長鞍馬髯驚舊館人  
窮途孤客侮逆旅小僮親  
安得如淄酒高歌一暢神  
過顏神城觀顏文姜靈應泉

城憶前賢跡泉歸孝婦名  
精誠有感格天地後生成  
不舍盈科理朝宗到海情  
願輸涓滴獻非獨濯塵纓

詠靈應泉廟

妙有生靈液名山濬素源  
滙流灑晴雪積氣汨冬溫  
德感隨重坎功深佐厚坤  
凝如甘乳色清是洗頭盆

伏臘祈村女蘭蓀產廟門  
岱宗看接近滄海未專尊  
雲雨神明應丹青像貌存  
千秋泉底藻猶似采蘋蘩

萊蕪道中

亂山頻下馬秃木獨棲鴉  
澗絕穿雲出崖空漏日斜  
野人營石屋春氣散冰華  
望見徂徠樹千年護碧霞  
上元

遠行憐令節強飯更誰能  
千里東山月孤村旅夜燈  
妻孥同一望僕從對相憎  
把酒羈心盡臨風涕泗增

雨中望岱

岱宗如可見上界仰雲扃元氣猶渾合真形故杳冥  
乾坤通一脉風雨集諸靈彷彿秦松在長懸萬里青  
雪中登岱二首  
秦華高掌劈雲霄登望凌虛絳節飄上界陰晴分雨  
雪天門闔闢動昏朝暉凝吳馬看如練寒帶秦松聽  
作潮七十二朝何處問靈宮僊樂闕吹簫

二

絕頂蒼茫割太虛羣峯一半落青徐天門日觀遙相  
望玉檢金泥信有諸松栢尚含秦漢雨雲霞常護帝

王書老人神異肩垂耳獨采菖蒲積雪餘

泰安道中

春事他方蚤融風北路私燒香殷士女伐鼓賽神祇  
風土人多瘦山泥牽屢脂無由賒落景倦馬負前期  
喜達東昌謁韓方伯尊師里中

六年一相見顛倒涕俱流下榻諸生禮開襟萬古愁  
別離顏各異夙昔話無休蹈海成虛事空令國士羞  
方生幼美會予東昌復送之博平爲別

憐爾獨違衆相看空復情故人心金折往事氣難平



是會關神物同行聽友聲因風吹別淚不到曲梁城  
德州道中

京路通千里春河聚萬艘車書天下遠風物日邊高  
塔廟還興作輪蹄互殆勞栖遲怨行役何處憶同袍

二

旅食憐炊玉征衣更典金美芹今古意行李往來心  
兔坐春田潤鳩啼老樹陰自因經望岱梁甫激長吟

獻縣道中

陵墓前朝毀山河異代迷靈禽呪朽木陽草吐新萸

鹵澤橋通棧水途柳卧隄帝京瞻孔邇翹首五雲  
低

二

饑年哀野乞永日答途歌興盡寧簪紱緣深本芟荷  
城荒登市減土雜倚門多南北殊方路喧塵過六羸

三

市囂雲氣出樓堞日陰偏朱買臣晚達河間王昔賢  
十年官不利千里客誰憐莫怪時人賤男兒貴有錢

雄縣道中



廬隱集 卷一  
邸舍人無識荒遐客金居鳶肩誰暴貴馱舌漫關渠  
豆莖恒幾馬鮭蔬半飯魚平安有天幸欲覓寄家書

涿州道中作

涿鹿原雄郡樓桑尚古村蚩尤行戰伐吳魏切并吞  
割裂三分恨君臣百代魂飛揚雲自異飄散日無溫  
路接黃金館橋通碣石門賢豪不可作事業到今存  
山水朝都會星辰共 至尊風塵行役者感慨與誰

論

初到善果寺作

古寺風翻烏鵲羣征衣未卷夕陽薰松杉歷代含元  
氣鐘磬虛堂遶法雲此地十年三旅客今時千古一  
英君自憐小草成何事依舊狂生怯衆聞

入都寓寺中述懷二十韻

再入千金市猶借五瑞期江河流不返松栢大曾移  
古寺留書壁春風卷幔絲旅人多造次時政尚權宜  
行李淹羞澀魁梧讓詭隨承明莊助厭太守汲公悲  
內外俱臣禮 朝廷畧爾知交綏百執事黽勉六曹  
司狗馬銜恩甚夔龍接跡遲十年違骨鯁小令易磷

縮 上意懲言廢高賢足行危卽堪存碩果聊復藉  
卑枝官府 今王體公孤在告詞觸藩喉舌遠維谷  
股肱疑邸舍憐羅雀衣冠歎象犧敢云嘗膽苦昔者  
比肩誰芳草鳩啼靜鮮花戲蝶欹竹林傷放浪蘭若  
戒嗔癡陵替聊自惜陸沉皆有之且從僧慧遠擊鉢  
賦新詩

寄題張廣文北逢里居八韻

是漢逢  
萌隱處

邁軸前賢卜雲林異代俱逢萌真隱士仲蔚亦吾徒  
客徑蓬蒿沒人家桑柘孤幽情間鷺羽春氣濕蜂鬚

北海尊寥落東山屐有無不共城接近大澤嶺迴紆  
書帶生香草青絲引玉壺廣文官卽冷名似漢潛夫  
遣悶奉簡允修吏部

蹈海生憐隱未真來朝不改薊門春巨源不負稱賢  
列叔夜從教大懶人守拙卽堪容歲月謬恭終自別  
風塵狂奴故態君應識與報論詩賞更頻

所見

所見傷時物居然變國風艱難留一老寧耐望諸公  
敝縕春生蝨喧塗曉聚蟲羣臣富才傑分攝贊天工



魯女憂無益周賢作未空會看興事業休自哭途窮  
紫微

紫微垂象闕台宿翊元稀寅亮君臣德端揆治亂幾  
乞恩惟病免庶事與初違恭敬誰無缺愆忘責爾歸  
鷓鴣瑩寶玦楊柳照春衣王氣知雙闕還瞻鳩鵲飛

野寺

野寺楊花落春宮燕子飛畏人羞寡過好客昨知非  
寵達由來漸官僚在告稀書生錯料事天子慎防  
微朝舍風翻瓦園陵雨動扉可忘三殿作萬國待

求衣

二月西朝房災時方經始大工

春日步觀天壇

鬱鬱非春樹蒼蒼帶禁烟側思羣后禮誰和五神篇  
蘭徑清晨濕芝房氣色鮮翠華他日闕僊樂久無傳  
玉殿雲過位金莖露紀年殷周壇宇變伏臘裸將權  
執事精通聖吾皇德配天遙憐受釐夜漢主席難  
前

送馮先輩濟子下第還弋陽時予新除盧氏  
近爲別



東風睨睨柳絲齊君馬玄黃斜日嘶旅食敝裘千里  
色沾衣傾蓋兩行啼三花桐栢山中秀七聖崆峒路  
上迷儻過洛陽逢擲果他時潘令解相攜

醉時歌贈岳民部一愚

生不願封萬戶侯亦不願識韓荊州但願身從岳子  
清宴游恍如皎月傾瀉江海流岳君肝膽擬懸虹山  
藪汪洋清濁同八九已吞雲夢澤十二誰當大國風  
陸沉郎署難得意况復攢眉憂天墜生憐狗馬社稷  
臣敢憎繭絲錢穀事時詘忍聞課鐵塩主聖未休

坐市肆只今專重度支司上意聊先平準試公卿  
大夫心苦灰乞骸移疾皆時才經綸未合恭默密致  
君堯舜何人哉方朔譎諧頗聞道賈誼流涕良可哀  
羣賢行行當頭趨岳君內哂貌如愚交游掉臂不在  
遠岳君看人眼獨暖嗚呼我謂岳君眼勿暖此道江  
河恐難返

寄贈錢汝晦曹子昇兩明府時俱以艱居里

二子東國秀早聞曹與錢皆比桂林枝或類朱絲絃  
錢也土木姿戲謔演談天曹生更洞達朗月帶長川

眷予託末契君子接周旋高議宇宙外上下數千年  
謬以不諱時跡馳蓋有焉嗟哉陽九運三人各罹旃  
余旣毀居廬鶴鳴咽幽泉二子塊處獨蓼莪生春烟  
俱哭其父母鑽燧四五遷書扎歲無一道里澀復干  
安得生羽翮飛飛君之前造物厚疾疾有意懲夙愆  
我輩蟣蝨臣寧干真宰權所邁若一轍恐茲亦偶然  
題詩慰相思增益在迤邐躑躅良已足還和嚶鳴篇  
方幼美武舉之京過存聊用感贈  
之子豪雄氣不羣相過怕遣衆人聞家人衣食消爲

客國士心肝賸有君射石數奇淹衛尉棄繻年少失  
終軍卽看青眼貧如此何用寒涼問子雲

除書

除書他日報補袞大臣違尚覺舍香滿休辭乞米饑  
優容時一鑑戇直似難磯臺諫宜思過孤卿忍見幾  
天王固密勿斟酌中玄微春色軋坤好諸公漫說歸

鷺燕

鷺燕添新語鴻鴻滅舊班諫書存故事國是定誰  
關此物宜盈缶清時誤轉圜自天申警戒他日或循



環松栢清明雨雲烟 帝里山旅懷憑弔古哀筑涕  
潺湲

清明

令節乾坤老京師士女傾他年曾被襖故里共清明  
松栢春風淚鞦韆夜月聲杜門憎逆旅哀樂飽關情

二

時序前人感長安勝事繁翠娥嬌燕語錦瑟暖鶯喧  
香奪風花氣啼隨露竹痕遙憐折楊柳寒食數家村

三

春風時有嚏勝日別爲心妻女應相念鶯花更不禁  
鴈歸書未到蟻汎酒頻斟草色青朝雨王孫奈滯淫

允修山陵還作此奉問

西山積翠抱長安銀海瓊泉勢鬱盤千樹春雲靈寢  
覆萬年僊月侍臣看旌旗 羣帝迴鑿合風雨諸陵  
委珮寒司馬相如消渴令欲因多病乞祠官

二

縹緲蓬萊樹色低闕宮春月子規啼鼎龍尚墮攀髯  
淚石馬猶聞帶汗嘶日有虎賁嚴守衛雲隨鸞輅望



淒迷美人遙隔西山雨相憶新詩寺裏題

善果寺逢周孟泰比寓浹月作此贈別

明月不容考荆璞自屏壘淵淵周夫子弱齡暢令聞  
孔翠翔千仞鵬鳥南溟運櫻櫻松上風標舉映清韻  
尹鐸治晉陽保障君王問季布且召還長孺日親近  
傾蓋而比隣許與寓規訓間語風俗事婉及公正憤  
愧我樗散材斧斤亦其分弘獎卽太過庶寬不知慍  
惜乎浹月歡未盡玄度蘊幸各撤藩籬盍簪往無靳

善果寺春夜

似外人間世還隣上苑春暗飛花拂席旅宿燕親人  
栝栢涵星動笙簫與露新聲聞吾欲了萬籟竟誰真

二

天地常無任春宵入混茫空門如不夜獨樹暗聞香  
水鶴委遲宿山僧自在藏人生緣解作風鐸會相忘  
將之官呈李考功若蒙

旅色淹多病浮名誤舉杯山公知啟事陶令好歸來  
天地憎狂客文章損吏才洛陽花底月也分似金臺  
允修挈酒同看方丈牡丹

來時不見米霜榮留滯還看爛熳花三月牡丹春到  
寺白雲僊吏醉為家扶莖香暈垂垂露墮酒風醒片  
片霞聊共一杯題一句夕陽移坐接離斜

憑亭詩

亭始于裴晉公有昌黎賦詩今為謝氏作

古人今不見古蹟尚茲亭遠水當牕白晴雲俯檻青  
後賢猶繼作勝地不無靈何用耽玄寂楊雄苦著經

二

春水澄如練池塘草又生玄暉詩自好康樂夢還成  
筍接穿牆嫩蒲搖隔浦清藪亭足禊事無讓異時名

三

野井家家樹垂楊箇箇烟月含嵩渚影雲入召陵天  
險韻矜韓愈奇思得惠連風流前後事綠野必同傳

四

川上如斯者乾坤萬古新名賢同一寓亭榭後何人  
異日金蘭友君家玉樹春謝氏八子河陽花滿縣不遠好  
為鄰

游西山功德廢寺

首路擇蔭息四顧如錯繡羣峯雜樹翼空翠浮衣袖



廬隱集 卷一  
茲寺具弘規體勢依靈鷲面水添多碧布金殫無漏  
廢圻自何歲古瓦凋雲構棲木落風巢遺基沉青甃  
野鴿過遺矢碩鼠對人鬪老僧黃髮禿眼深筋骨皺  
苦訴業因毀流涕 君王狩宮監一傳語諸天力不  
救嗚呼此常然平陂在先後千古鸞鶴地不敵蓬蒿  
茂門外湖水光夕陽映如舊搔首望參差徙倚采蘭  
臭

望湖亭

西行如轉鏡天光生我衣湖青散草木野亭石根依

山鳥和笙竽水鶴翔翠微雲出萍藻上日延松杉歸  
近人鳧鷖亂瞻闕鳳凰飛石塔大於斗常露水中磯  
與波信升降其理知是非砥柱有取義淫預想依稀  
憶與吳曄宋鴻儒輩茲亭醉落暉秋連蒹葭夕唱逐樵  
漁希十年疲夢寐獨往無所違况有二三僕樂游能  
忍饑斷續湖上雲零雨靄霏霏春服沾濕好風和亦  
易晞妙香發淺瀨餘花襲芳菲不恨無酒喫飽此足  
天機

華嚴寺



亭南轉崎嶇修畦百頃濫湖光漾寺影蒲生何澹淡  
躋險俯澄碧憑高飄浮紺森木出地底古雲待幽探  
陟級不記數尋洞已至三恐驚龍蛇宅亦如鬼神瞰  
鳴鳥悅於人惜我茲游暫簪笏可脫屣長解五湖纜

卧佛寺

北山趾之半窈窕亦幽哉上有穹隆崑下有沈劫灰  
萬木森碧落羣峯皆飛來層刹遞隱見丹甍鬱崔嵬  
頗礙雲氣出偏邀日月迴子亦疲津梁金篋眼當開  
僧施錦被幪埽拂身上埃多羅樹百尋靈鳥上徘徊  
春秋結子實風吹落青苔止觀了覺義鐘磬飄香臺  
舍利舍無睡示相遍九垓問法滅思議愧非龍華才  
出門忽三笑頑戲逐嬰孩

碧雲寺

琳瑯西山寺巨麗碧雲最開闢豁一門百重金銀內  
鑿疑鬼丁力勢與宮闕對層巔忽下上應接東西礙  
飛泉掛縹緲宛轉洩湍瀨僧厨通自注伏徑流曲逮  
赤魚龍之友鼓沫雲與會時分法喜粒旋益波濤沛  
方丈曾信宿舊把梭欄大洞口被蒿蘿蒼筤翳如蓋

亦饒奇怪木名狀耳目外簾細香烟迴梵湧琅璫碎  
四月游賞候傾都悅解佩佳人脫翠簪客子拾巾帶  
賣眼折芳茅拋心贈錦貝斯游禮或防此寺無乃太  
持以告御者快意戒其殆若輩何足知健步討所愛  
仰視羣鳥歸西日肯誰待

香山寺

香山內羣岫木末虹爲橋他山俯若案歸雲相與飄  
缺鑲垂石磴流泉生其腰昔者僧卓錫平地振海潮  
此事任恍惚登頓且逍遙欹廊隱結構清楚學簫韶

沈瀟風雨根虛無攀斗杓山形去復留似爲至尊  
朝怪樹巧欲迎好鳥不待招惝恍間有聞天上雙吹  
簫安得往就之其人王子喬白鶴將夕降接翅升赤  
霄

來青軒

世皇臨幸稱  
此處有翠色

來青送遙日故故烟霧擁湖山如指掌千林忽自湧  
身度雲氣上路俯後來聳惟此有翠色曾蒙天語  
寵八駿化爲龍荒臺垂蟠螭嘉魚潛在藻矜重惜妄



動百年樹木大五夜星辰共憑軒覽萬象盡覺諸天  
冗睠茲淹獨宿長嘯發悲恐

弘光寺

弘光隱岩堯側挂香山杪徑隔幾竟失望中賴縹緲  
密林俯旋馬仄石引垂篠躋巔更踈豁陟幽殊窈窕  
梵宇象圓闕諸天無大小法室虬龍靜古檜藤蘿矯  
馴犬不怪人捷鼠學飛鳥因乞香積飯冥搜獲意表  
上界亦是幻妄緣只未了試問摩尼珠悟徹雲日暎

山行往還各一首

快游屢違期出門遣紛紜山容入眼活草香上衣薰  
樓臺十萬重烟花上氤氳行子汗成雨有女從如雲  
銳頭青驄兒彈落水烏羣驚叫集萬點喧囂都不聞  
擘芳摘澗碧醅廕選河濱物色展暄麗中人如微醺  
西來百千寺大抵中貴墳金穴長已矣封樹徒爲勤  
喟然感物變往來理孰分薄采芹與芷將持獻  
君

歸途

晚來意已違遄歸豈有奪草草成茲游苟足慰饑渴



回首尚若失將遠遽忍割旋途雨時颺薄雲日半活  
賦詩當記述綺語障難豁陷文猶自可陷性將孰脫  
明發迷往期相思終契濶

過中山戲作二絕句

楊花漠漠酒旗斜底事風塵上鬢華此地好拚千日  
醉知他白墮阿誰家

二

陰姬偃月翠眉新玄石三年醉裏春近道中山多薄  
酒也如燕趙少佳人

之官南行途次觸目兼懷古跡漫題七言長律

一百六十句

薊北朝辭御柳春楊花風攪助沾巾生憐泉石烟霞  
侶強作東西南北人關塞雲沙荒渺渺往來車馬互  
轉轉省知予罪惟懷壁莫問何官老積薪道路山川  
看遽改形骸土木具原真敝裘初夏還披體濁酒經  
旬怕入唇易水蕭蕭流日夜長城滾滾走嶙峋黃金  
臺畔蓬蒿長碣石宮邊虎豹馴不是荆卿徒殉客也  
應燕社晚歸秦千秋上谷溫回律百歲中山醉幾巡

恒嶽三春迷灝氣滄沱萬折少回津栢人帝堦城非  
故麥飯公孫跡金湮蕪沒馮唐鄉有墓更遷味道宅  
無鄰多陰綠野參差合相和黃鸝睨皖頻大陸蒼茫  
迎駟牡太行空翠射重茵園翁鋤菜清晨濕野女籠  
桑結束新襄國斷橋哀豫讓邢州遺堞弔于鱗風流  
不作陽春調慷慨輕拋國士身洛澤天陰翻白浪沙  
丘日暮擁黃塵公孫杵臼名難朽趙武靈王恨未伸  
爇熱焚身金蜥蜴荒涼無首石麒麟鄧林棄杖疑扇  
暍米簞開簾憶飲醇洲渚芙蓉通夕圃麗譙烏鵲帶

層闈曲梁父老仍來看弟子壺篋倍見親桃李宮牆  
長好在桑麻井邑細須論時時下淚增悲憤欵欵申  
情勞苦辛顛倒故懷狂誕減經過識面嘆嗟均飄零

舊縣花千片弦望他鄉月四輪

十五夜宿臨洛關遇  
曲周父老與諸子

祠廟盧生常作夢邯鄲公子久成陳蘭廉嫌隙翻知  
已毛薛行藏實俊民五馬羅敷停一顧連城卞氏剖  
纔玕銀筆半化崇臺土鏃鏃全銷戰血燐漳水從橫  
埋細草鄴渠深淺漾芳蘋玉魚春拾望陵地銅爵潛  
飛古渡濱上食可憐紅粉舞分香益惹翠眉顰建安



才藻偏多麗曹植詩篇動若神飛蓋西園陪綺席興  
文公讌和嘉賓屬催農畝村村靜蝶戲風畦處處勻  
豈但應劉俱囊壤卽尋穉阮各荆榛如聞清嘯蘇門  
歌誰辨宣防瓠子墜淇澳竹猗徵衛武朝歌麥秀慟  
殷仁鉅橋藏粟尤堪鑒牧野戎衣蓋有因墟岸屠蘇  
草屋縣的的宛河礪柯咽鄰鄰斷脛魚迴渦水旋欺  
浪燕主人家不棄貧梁豫土田皆衍沃邱鄘俗習且  
端淳江湖汎梗飄飄內風雨孤槎泛泛辰漫托乾坤  
容華戶虛隨日月夢楓宸靡蕪碧與羣溪葉縹緲青

浮百頃筠坐對此君餐欲飽常瞻威鳳舞高蹲褰帷  
俯仰思潘岳卧轍尋常借寇恂王屋拂雲低野戶丹  
源穿壁下田疇中原莽互黃河圻二氣氤氳少室晨  
舟夾長鯨憑殷殷波連白蜃競駢駢洛陽天地標中  
極形勢方隅散八垠周代碑銘疲應接漢家池館佇  
咨詢後來妻嫂欽蘇子可怪君王敵季倫西第銅駝  
開紫陌北邙鐵馬落斑麟鳴鐘沸管歡娛促疾舞商  
歌怨惜申絲布忍聽綠珠曲幽蘭好共宓妃紉青樓  
墜妓心猶石翠浦驚鴻姓是甄巒嶂四時晴類兩輪



塵隱集 卷一  
蹄長日歲爲旬崧高雙倒澗灑影玄漚交環伊澌澹  
亭午汗泥揮泚泚艱虞皮骨澀跋跋梯危棧闕盤雲  
轉蛇徑猴踪側壑遵崖背殷榴傾的爍籬牽尺獲颺  
紛續人如葉令飛虛遠僊接盧敖步愈迤十載折腰  
猶倔強他年結舌免囂囂索拚謠詠羞更嫁卻愛娉  
婷誓指旻遮莫浮名招坎壈從教懶性重因循孰令  
杓鑿誠吾過旣墮泥塗寡再振寂寂功名憎醜弱悵  
悵詞賦憫沉淪去留邑宰何關體師濟 朝廷未少  
臣窮海差饒飽蝦菜秋風耐肯待鱸蓴鹿車安穩眠

書籍烏几聯拳凭釣緡朋戚爲情聊復勸妻兒曉事  
定無嗔蠶桑牛種春期作鷄黍羊求逸興臻瘠壤黎  
氓樂耕鑿平時 明聖富彌綸康瓢藜杖安吾素鑄  
粃陶糠任大釣異日故園長松菊會天中使罷金銀  
歸來會見諸公業准擬莊生紀壽椿

雨中崔稽勳明府招飲廬江鎮國園

顛倒久要後悲歡初見時相邀梁國苑疑似習家池  
雨壓篔簹坼花辭木槿披晚來臨野望燕子羽參差

留客慙看竹名園比辟彊炎蒸避蘿薜風雨儼瀟湘  
袁紹杯曾共陳遵轄不忘簡書期苦逼別思轉蒼茫

未寧道中呈楊明府

危峯衝日斷仄岸逼溪清地主頻頻見山靈處處迎  
花香緣野迥竹氣撲雲晴險路逾踈豁艱難愧客情

又作

拙宦一潘岳十年官苦仍陟巔捫落日背磴引回燈  
趨府迥千里入雲穿百層河陽花樹老也及二毛增  
酬劉生敬仲感遇詩四首

鷄鷓不嘗嚙騶虞不踐草牴觸力豈任嚇音何足道  
一失故丘穴媒罔難自保接翼棲鴉林低首服牛阜  
惻惻阻夙心長饑至於老

二

今昔亦何定山川不可期明德日以遠君子慎嫌疑  
他人各有心忖度安所施自古負奇者衆思僂辱之  
豺狼處垣牖無易言相知讒說那得聖靜嘿爲我儀  
皓首勗此願腸斷孟子詩

三



倦客知天長罷人知路難饑渴一見君臨食欲忘餐  
古歡復須臾明月西闌干旁人各爭媚心知未敢言  
徘徊夜至曙攬衣興味嘆

四

良璞貴不琢深藏道之始鄙哉荆山人泣血亦可耻  
古有東陵侯又有於陵子我心慕其然徑徑行已矣

渡洛

翟車渺渺隨雲迥鳧舄冥冥渡洛遲開闢龜文靈氣  
歇山河禹蹟美功遺陸機年少游何蚤賈傅才高薦

者誰擬作周南留滯客悠悠十載漢庭思

苦熱念妻女在途却甚不勝煩替有作

旱魃旣太甚天黃風宿霓毒熱塵如甗飛燕屋舍迷  
湏洞黃河水沸沸無高低手軟扇薄搖足脫襪俱泥  
遙憐七八口長路誰提攜居者汗成漿處甕類醢鷄  
行者矧巾篋委頓任輪蹄鳥醉各無語馬罷不得嘶  
耳熱應妻謫鼻嚏關女啼却悔出處誤前後事多睽  
鄉國三千里一令尚栖栖昔作喪家狗今爲觸藩羝  
在父愧其女於夫愧其妻况余嬰暍疾生活乞刀圭



眼露面鰲黑出門忘東西乍見或未識嗟嘆家人齊  
肉食亦不肥何如其野藜歸去勿復道鹿車海上棲

